

**AmAssurance**

## LAMPIRAN PEMBERITAHUAN PRODUK untuk Insurans Keperluan Peribadi – Untuk Anak Anda

**NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Keperluan Peribadi – Untuk Anak Anda. Pastikan anda juga membaca dengan terperinci terma-terma dan syarat-syarat amnya.**

**1. Apakah produk insurans ini?**

Produk ini akan membayar pampasan kepada anak anda bagi kecederaan tubuh badan yang disebabkan oleh kemalangan dan kecederaan yang denganya semata-mata dan secara bebas daripada sebarang sebab lain menyebabkan kematian atau hilang upaya anak anda atau yang memerlukan mendapat rawatan perubatan dan/atau pembedahan.

**2. Apakah perlindungan / manfaat yang disediakan?**

Produk ini meliputi:

- |                  |   |
|------------------|---|
| <b>Manfaat 1</b> | Kematian Akibat Kemalangan<br>Perbelanjaan Pengebumian  |
| <b>Manfaat 2</b> | Hilang Upaya Kekal dan Putus Anggota Badan  |
| <b>Manfaat 3</b> | Manfaat Hospital<br>a) Elaun Tunai Hospital Harian<br>b) Elaun Tunai Unit Rawatan Rapi(ICU) Hospital Harian |
| <b>Manfaat 4</b> | Ganjaran Tunai Akademik   |

Tempoh perlindungan ialah 1 tahun. Insurans ini boleh diperbaharui setiap tahun.

Perlindungan adalah 24 jam. Had Wilayah adalah Seluruh Dunia.

Nota: Sila rujuk kepada Jadual Manfaat bagi Kematian dan Hilang Upaya Kekal dan Putus Anggota Badan di dalam Polisi.

Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari [www.pidm.gov.my](http://www.pidm.gov.my)).

**3. Berapa banyak premium perlu saya bayar?**

Terdapat 4 pelan yang tersedia, premium yang dikenakan akan bergantung kepada pelan yang dibeli. Sila rujuk polisi insurans untuk premium yang dikenakan bagi setiap pelan.

**4. Apakah jenis yuran dan caj-caj yang perlu saya bayar?**

Yuran dan caj-caj yang anda perlu bayar ialah:

Jenis	Amaun
<b>Cukai Perkhidmatan</b>	Tertakluk kepada kadar semasa seperti yang dikenakan oleh Kerajaan Malaysia
<b>Duti Setem</b>	RM10.00
<b>Komisen ejen atau apabila melibatkan seorang pengantara</b>	25% daripada premium

**5. Apakah antara terma dan syarat utama yang harus saya ketahui?**

**Had umur**

- Berusia 30 hari hingga 18 tahun.

**Kepentingan Pendedahan**

- MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadi kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans samada untuk menerima atau tidak risiko dan kadar dan terma yang hendak dipakai.

**Pampasan / Tanggung Rugi**

- Kami akan membayar pampasan kematian akibat kemalangan atau kecederaan (Hilang Upaya Kekal & Putus Anggota Badan) menurut "Jadual Manfaat" yang dilampirkan bersama polisi.

**Tunai Sebelum Perlindungan**

- Adalah menjadi syarat asas dan khas mutlak kontrak insurans ini bahawa premium yang patut dibayar mestilah dibayar dan diterima oleh Kami sebelum perlindungan bermula. Jika syarat ini tidak dipatuhi, maka polisi insurans ini adalah secara automatik batal dan tidak sah.

**Liberty General Insurance Berhad 197801007153 (44191-P)**  
**Dahulu Dikenali Sebagai AmGeneral Insurance Berhad**

Liberty Insurance Tower, CT9, Pavilion Damansara Heights, 3 Jalan Damanlela, Pusat Bandar Damansara, 50490 Kuala Lumpur.  
Peti Surat 11228, GPO Kuala Lumpur, 50740 Kuala Lumpur.

**Tel: +603 2268 3333 Laman Sesawang: [www.amassurance.com.my](http://www.amassurance.com.my)**  
(No. Daftar Cukai Perkhidmatan: B16-1808-31015443)

**Prosedur Tuntutan**

- Apabila membuat tuntutan, anda harus memberikan kami notis bertulis dalam tempoh 14 hari selepas anak anda mengalami kecederaan anggota badan. Dalam kes kematian anak anda akibat kemalangan, anda atau benefisiari hendaklah memberikan notis yang munasabah kepada kami sebelum pengebumian atau pembakaran mayat.

Nota: Senarai ini tidak menyeluruh. Sila rujuk kepada kontrak polisi untuk terma dan syarat-syarat di bawah polisi ini.

**6. Apakah pengecualian utama di bawah polisi ini?**

Polisi ini tidak melindungi kematian atau kecederaan yang disebabkan oleh:

- Risiko Perang dan berkaitan;
- Bunuh diri atau sebarang percubaan sedemikian;
- AIDS;
- Perbuatan Jenayah;
- Mengambil bahagian dalam aktiviti-aktiviti atau sukan berbahaya;
- Kemalangan radioaktif dan kemalangan bahan senjata nuklear;
- Keganasan;
- Kecacatan atau kelemahan fizikal, sebarang jenis sawan, sakit, atau penyakit yang sedia wujud.

Nota: Senarai ini tidak menyeluruh. Sila rujuk kepada contoh polisi kontrak untuk senarai penuh pengecualian di bawah polisi ini.

**7. Bolehkah saya membatalkan polisi saya?**

Anda boleh membatalkan polisi dengan memberikan kami notis bertulis. Selepas pembatalan, kami akan mengekalkan premium mengikut \*Jadual Tempoh Pendek (seperti di bawah) bagi tempoh polisi tersebut telah berkuatkuasa dan kami akan membayar balik kepada anda bahagian yang belum tamat tempoh polisi. Tiada bayaran balik premium dibenarkan jika terdapat tuntutan di bawah polisi ini. Sebarang premium minimum yang dibayar di bawah polisi ini tidak dikembalikan.

**\*Jadual Tempoh Pendek**

Tempoh Tidak Melebihi	Bayaran Balik Premium Tahunan
15 hari	90% (terpakai untuk pembaharuan sahaja)
1 bulan	80%
2 bulan	70%
3 bulan	60%
4 bulan	50%
5 bulan	40%
6 bulan	30%
7 bulan	25%
8 bulan	20%
9 bulan	15%
10 bulan	10%
11 bulan	5%
Tempoh melebihi 11 bulan	Tiada pulangan bayaran

**8. Bilakah boleh saya jangka menerima polisi saya?**

Anda seharusnya menerima polisi anda dalam tempoh dua minggu daripada tarikh mengemukakan dokumen-dokumen penuh kepada kami.

**9. Apa yang perlu saya lakukan sekiranya ada perubahan kepada maklumat perhubungan/peribadi saya?**

Adalah penting untuk anda memaklumkan kepada kami sekiranya terdapat sebarang perubahan dalam maklumat perhubungan / profil kehidupan anda termasuk penamaan, pekerjaan dan kegiatan peribadi, yang mungkin mempengaruhi profil risiko anda.

**10. Dimanakah boleh saya mendapatkan maklumat yang lebih lanjut?**

Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau anda boleh mendapatkan senaskhah salinan daripada ejen insurans atau layari [www.insuranceinfo.com.my](http://www.insuranceinfo.com.my).

Sekiranya anda mempunyai sebarang pertanyaan, sila hubungi kami di:

**Liberty General Insurance Berhad**

Liberty Insurance Tower,  
CT9, Pavilion Damansara Heights,  
3, Jalan Damanlela  
Pusat Bandar Damansara,  
50490 Kuala Lumpur  
Talian Bebas : 1 800 88 6333  
E-mel : [customer@amassurance.com.my](mailto:customer@amassurance.com.my)  
Laman Web : [www.amassurance.com.my](http://www.amassurance.com.my)

**11. Lain-lain jenis Perlindungan Insurans Serupa yang Ada**

Sila rujuk cawangan kami yang berdekatan anda serta ejen-ejen untuk maklumat lanjut.

**NOTA PENTING:**

**ANDA DINASIHATKAN UNTUK MEMBERI PERHATIAN KEPADA SKALA FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.**

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang dibekalkan dalam lampiran pemberitahuan ini diterbitkan pada 01/03/2024 dan adalah sah sehingga semakan berkala yang berikutnya.